

臺灣文獻匯刊

■ 陳支平 主編

第四輯

第八冊

◎◎ 九州出版社
◎◎ 廈門大學出版社

臺灣文獻匯刊

第四輯 ◎ 第八冊

素村小草(二)
譚餘詩鈔

◎◎九州出版社
◎廈門大學出版社

素邨小草 卷十

七言律

閩中 吳玉麟

齋壁新聖陳若川爲畫蘭因題

任他富貴自稱王，讓彼清寒殿衆芳。
伍草聖人曾有操，論花天下更無香。
素心迥出塵埃外，臭味都教色相忘。
斗室煩君圖四壁，一時煙雨滿瀟湘。

獨釣寒江雪

嚴風剪剪雪霏霏，取次山村盡掩扉。
半領羊裘誰是伴，滿江煙靄竟忘歸。
乾坤歲月隨流水，富貴功名在釣磯。

素村小草

欵乃一聲杳然去桃源深處解人稀

和曹詞交元旦原韻

君家繡虎最風流詩賦名高漢代留去後更無追八斗
于今洵足並千秋閒中甲子書應遍筆下波瀾老未休
柏酒椒盤對華髮看他富貴等雲浮

登望北臺遂尋松風堂遺址

巍然俯視大江濱兩水潞洄一嶺分萬壑松楸吟鬼雨
數聲鐘磬落慈雲高臺望北人何在暮景沈西鳥喚羣
忠定遺風足千古更尋碑碣讀殘文

和克纘王二丈見贈原韻

典型少小式鬚眉刮目深蒙國士知
益友通家問字勝嚴師才堪倚馬貧偏甚
飲每聞雞樂不疲誰贈買山錢百萬指國無力但嗟悲

游鼓山

登臨是處足移情況此名山冠郡城衆壑閒雲蒸石潤
亂峰飛瀑護花明煙開遠樹龍蛇動屐響空林鳥雀驚
我欲更窮千里目天風吹送海濤鳴

鸚鵡

素村小草

素村小草

贈陳朝衡

雷名貫耳舊曾聞見面纔知勝所云臭味暗投先縞紵
切磋餘事到詩文連宵話盡樓頭月小別魂銷隴上雲
不解從來疎懶甚每于君獨致殷勤

贈何秀岩

玉樹叢中第一枝文壇牛耳舊同推設元最愛何平叔
載酒頻過吳隱之十日每傳高會檄七人先已著鞭馳
同社七人秀岩年最長建安風雅今猶昔鼓吹休明正
乙酉秋入泮遂中副車及時

釣龍臺

釣龍人去釣臺空
逐鹿曾經割據雄
古井斷甃崩宿雨
殘碑遺字蝕秋風
漢家禾黍千年盡
海嶠車書萬國同
只有青山長不改
夕陽西下水流東

得道標來札

風流才子最情多
一幅相思寄衍波
捧讀便如依左右
夢魂應不隔關河
對人馬齒慚加長
鳴匣魚腸尚未磨
知己酬恩無限事
頻年其奈別離何

上巳日同社諸友讌集小園

素村小草

釣龍臺

釣龍人去釣臺空
逐鹿曾經割據雄
古井斷甃崩宿雨
殘碑遺字蝕秋風
漢家禾黍千年盡
海嶠車書萬國同
只有青山長不改
夕陽西下水流東

得道標來札

風流才子最情多
一幅相思寄衍波
捧讀便如依左右
夢魂應不隔關河
對人馬齒慚加長
鳴匣魚腸尙未磨
知己酬恩無限事
頻年其奈別離何

上巳日同社諸友讌集小園

綠楊如黛草如煙
恰值春光欲暮天
花底相邀脩禊會
蘭亭可似永和年
酒當令急觴爲政
詩到神來句欲仙
我輩風流非曠達
旁人莫擬竹林賢

答楊亦寧見寄

千古知音屬予期
相逢何必尙嫌遲
憐君風雅真無敵
惠我篇章慰所思
天下儘多談此事
眼前今喜得吾師
晉安宗派縣縣在
擬鑄黃金繡色絲

月窓和韻二首

應是三生有夙緣
泥人一笑倍嫣然
唾壺疑淚歌金縷

素村小草

紅葉題詩解翠鈿
越嶺風花春共惜
楚天雲雨夢相牽
裴航病渴真無賴
訴盡芳心與裊煙

訴盡芳心與裊煙
歸去難營種玉田
月地雲階長記憶
金釵銀枕舊因緣
但留一點情根在
定化他年並蒂蓮

道標初回來相晤小飲留宿

君今近遇可平安
閱歷應知行路難
久別乍逢如隔世
多愁無奈強加餐
到窓落月當梁照
入夢冰壺徹夜寒
幾許相思欲相訴
却憐相對但相看

哭楊亦寧

謫生幻化兩無因，弱草難栖野馬塵。
一瞬固知同百歲，九原何以慰雙親。
許多氣誼消風露，空剩文章泣鬼神。
今日哭君腸欲斷，他年誰是哭吾人。

夜集環翠居和溫漁山韻

烏栖華屋水周堂，丁字闌干亞字牆。
夜合開時新月上，睡香濃處晚風涼。
金釵報落筵皆醉，紅粉驚迴語亦狂。
他日感甄如作賦，一生知己有明璫。

寄詹天澤

素村小草

素村小草

丈夫自古禁磨鍊莫遣風流遜昔時巴雨夜寒誰剪燭
江雲日暮苦吟詩與君同上三生石繡子應添五色絲
不信陳平顏冠玉長貧空負魏無知

月窓題壁集唐

辜負穠華過此身柳眉梅額倩妝新寧知楚客思公子
猶是韓侯舊主人東澗水流西澗水錦江春似曲江春
花枝滿院空啼鳥蛺蝶雙雙護粉塵

七夕集唐

水紋珍簟思悠悠簾幙襜褕不掛鉤去日苦多來日少

他生未卜此生休看花誰與重攜手好月那堪獨上樓
可惜凌波步羅襪曉屏無睡待牽牛

贈辟支二首

有序

辟支以麗姝入空門能詩善畫諸友多從之游
索余贈詩余非學佛人不知禪理漫成二律諸
友以爲得無間義辟支亦以爲悟上乘法陳若
川爲作烏絲欄書黃庭小楷辟支喜而藏之以
爲他日證驗云

除却書顛卽酒顛世人交謫爾偏憐點頭聚石頑能解

素村小草

微笑拈花妙不傳春夢三生多綺語秋波四壁悟情禪
凡心到此應消盡樓閣參差月影圓

生老病死苦牽纏眼耳鼻舌意自然五蘊借他無處坐
萬緣遲我一齊捐女人身現瞿曇相才子名登選佛天
會得空花都不著紅塵十丈有青蓮

謝辟支以念珠見貽

共言龍額人難近那得鮫宮淚許多一點禪心時記取
幾回薌澤舊摩挲閒持古佛三千遍靜聽疎鍾百八過
錫我神珠如意好爲消塵障爲消魔

秋夜

月華如水靜無波人比黃花瘦更多醒亦徒然爭似夢
哭應不得且爲歌漫思遠事千年計又見秋風一度過
楊柳芙蓉俱零落小山叢桂竟如何

秋齋燕至

鴻鴈隨秋度遠閨誰令歸燕更南還棄巢忘却梁間語
翻幕重驚夢裏聞露冷階前無蔓草風清塘外有芳蘭
東家不乏遺書客休蹴寒花落滿山

送姜脩爵

素村小草

素村小草

聞安橋下水潺潺卮酒無歡強笑顏屈指交游凡幾輩
平生休戚最相關魚書莫惜雲天迥馬帳空嗟歲月閒
甚欲從君苦留滯夜深飛夢過千山

衰柳

已自蕭疎入畫圖况兼雲鎖與煙扶眼因送客時時倦
絲爲牽情寸寸枯古道秋驚風似剪橫塘春憶雨如酥
纖腰折後蛾眉老試問流鶯認得無

壬辰元旦立春夢中得句云二十五度好春光是
年余二十五也醒而續之

二十五度好春光
蟻贅淳于蝶化莊
佳節飲餘迎歲酒
梅花香是隔年妝
爭他虛譽驚流俗
續得詩魂寄睡鄉
自覺近來差勝昔
添些風雅減些狂

月窓夜話二首

閒情細訴可憐宵
總喜相逢恨轉遙
玉杵無緣來白屋
瓊漿空指乞藍橋
心香藏袖隨魂斷
眉月當窓著意描
莫唱夜啼烏一曲
滿郎毛鬢已蕭蕭

金釵鈿合苦相邀
盟石三生費久要
所恥不才徒戀棧
豈能無怨在吹簫
多情大半爲身累
觸緒紛來與目招